

M̄weīnan eo an Priesthood

Kajoor an Priesthood

Jen Būreejtōn Thomas S. Monson

Ikar kaitok aō jar im katak kōn ta eo imaroñ ba boñin. Ij kōjatdikdik ijjab maroñ kainebataik jabdewōt. Ikar ļōmņak, “Ta apañ ko ippād? Ta eo ij jelmae aolep raan me ej kōmņan aō jañ jet iien ilo boñ?” Ikar ļōmņak bwe inaaj kar kwaļok jejjō iaan apañ ko boñin. Jet renaaj iookļok likao ro. Jet renaaj iookļok ro rej pād ilo iiō ko rejjab lukkuun rūtto. Jet renaaj iookļok ro rej pād ilo iiō ko ilōñ in ļok ro rejjab lukkuun rūtto. Jejjab kōnono kōn ro relukkuun rūtto.

Im barāinwōt ikōņaan in jino jen kwaļok, bwe ekar emņan ñan kōj ñan kuktok ippān doon jotenin. Jekar roñ naan ko remņan im jejjēt kōn priesthood eo an Anij. Ña, kwe, kar maroñ kōketak im im̄we.

Jotenin Ikōņaan kwaļok menin kōnono ko rekar pād ilo kōļmenļokjeņ eo aō im ko kar jelōt eņjake eo aō ñan kwaļok ippāmi. Ilo juōn wāween ak bar juōn, rej ekkejellok ñan erre eo ad make ekar menin aikuj ñan bōk im kōjērbal kajoor eo ekwojarjar an priesthood eo jej kabwijere.

Imaroñ jino jen aō kōnono ñan koņ ruo eoon ko jān m̄weīnan 121 ilo Doctrine and Covenants:

Jim̄we ko an priesthood eo rejjab jenļok ilo ekkejel ippān kajoor ko an lañ, im kajoor ko an lañ maroñ peek ak mađmōdi wōt jen kōjērbal pedped ko an wāppen.

Jim̄we ko an priesthood eo maroñ litok iood, ak ñe jej kajjieoñ pinejļok jerawiwi ko ad ak kaņōņōņō utiej bōro ko ad ak kōņaan ko ad ejjelok tokjāer, ak ñan peek jērbal eo ak peek jetōb ko an ajri ro nejin armej ilo elōñ joñak ko an jab wānōk, lañ ko rej timmijikōk im Jetōb eo an Irooj ej buromōj. Ñe Jetōb eo an Irooj ej timmijikōk, Amen ñan priesthood eo ak mālim eo an emņaan eo.¹

Emņaan ro jitōn bōro, eñin ej naan in kōmālim eo an Irooj kōn mālim eo An ekwojarjar. Jejjab maroñ pād ilo pere ilo ekkejel ñan eddo eo ej iookļok ennaan in ilo D&C kout ilo eoon 5 jikin ko ioon kajjojo iaad ej kabwijer priesthood eo an Anij.

Jekar itok ñan laļ in ilo iien ko reppen. Joñak ko remwilal ñan enañin aolep armej emōj an oktak kōrakier ñan tōmak bwe komaroñ kōmņan jabdewōt men ko kōņaan.

Ebwe an aitok aō kar mour bwe imaroñ kar kaņool eļap kōn oktak in m̄wil ko an jukjukin pād eo.

Ilo juōn iien joñak ko an Kabuñ im joñak ko an jukjukin pād kar lukkuun jejjet ñan doon, kiiō ewōr juōn kōta eļap ikōtaad, im ej kileļok im debakbakļok.

Elōn pija ko im kein kaloojoj ko rej kwaļok maķūtkūt in m̄wil eo ej tōl jumae ñae kakien ko an Anij. Jab likūt eo make ñan jet men ko rejjab jejjet aer waļok im kwaļok likio in meļeļe eo ettoon ko ekkā aer loe ijeņ. Ainikien ko ilo enañin al ko rainin maroñ pād ilo ejja jekjek in. Kanijnij ekkā an waļok ipeļaaķid rainin ejamin naaj kar kōmālimi an waļok tōre ko mōkta. Etan Irooj emōj ba pata bar juōn alen im bar juōn alen. Kajjeoñ kakememejtok ippa kien eoj—juōn iaan ko joñoul—eo Irooj ekar kwaļok ñan Moses ioon Tōļ Sinai: “Kwōn jab ba pata etan Jeova aņ Anij, bwe Jeova e jāmin likūt e ejjeļok ruōn, eo ej ba pata Etan.”² Eļap aō buromōj bwe elōn iaad wōj rej jelōt ñan kajin ko renana, im ij akweļap ippāmi bwe kom̄in jab kōjerbale. Ij kajjitōk ippāmi ñan jab ba ak kōm̄mani jabdewōt men ko kwojjab maroñ ju bōro kaki.

Lukkuun kōttoļok kom̄ jān pija ko rettoon. Jab kōtļok aņ make lali, jamin. Ej anūrlep eo ej lukkuun pen ñan ellā jāne. Kōttoļok kadōk im jika ak jabdewōt uno ko jet rekajoor, barāinwōt anūrlep eo naaj kar pen aņ pukōte ñan joļok.

Ta eo enaaj kōjparok jān jerawiwi im nana eo peļaaķūm̄? Ij kwaļok bwe juōn naan in kaņool ekajoor kōn Rilom̄oņ eo ad im kojpeļ eo An naaj jipañ bōktok eok ñan kōjparok. Eļañne kom̄ij jañin riiti Bok in Mormon eo, riiti. Eļañne kom̄ naaj kōm̄mane menin im ippān juōn kōņaan ñan jeļā mool eo, Jetōb Kwojarjar eo enaaj kwaļok mool ñan kom̄. Eļañne ej mool—im ej innām Joseph Smith ekar rikanaan eo ekar lo Anij Jemād im Nejin Jisōs Kraist. Kabuñ eo ej mool. Eļañne kwoj jañin kar wōr aņ naan in kaņool kōn men kein, kwon kōm̄man men eo emenin aorōk ñan bōk juōn. Menin ej aorōk ñan kwe bwe kwon wōr aņ make naan in kaņool, kōn naan in kaņool ko an ro jet naaj kōkajoor eok ilo jidik wōt iien. Eļañne emōj am bōke, juōn naan in kaņool ej aikuj aorōk im mour jen pokake ñan kien ko an Anij im jen jar aolep iien im katak jeje ko rekwojarjar. Etal im jar. Kom̄ likao ro reddik rej etal ñan seminary ak institute eļañne men kein repād ñan kom̄.

Eļañne ewōr jabdewōt men rebōd ilo mour eo aņ, ewōr aņ juōn iaļen diwōj. Kabōjrak jabdewōt jab wānōk. Kōnono ippān Bisop eo aņ. Ta jabdewōt jorrāan ko, remaroñ jerbali jen ukweļok eo ejejjet. Kwomaroñ erom̄ erreō bar juōn alen. Jeova ej ba, kōnono kōn jabdewōt eo ej ukweļok, “Meñe bōd ko ami rej āinwōt būrōrō, renaaj mouj āinwōt sno.”³ Im Irooj ejjab bar keememeji.⁴

Rilom̄oņ eo an aolep armej ekar kōmeļeļeik E make āinwōt pād ilo laļ ak ejjab jen laļ.⁵ Kōj, barāinwōt maroñ pād ilo laļ ak jejjab jen laļ ilo ad ellok jen ļom̄nak eo eriab im katakin ko reriab im pād wōt ilo mool ñan eo Anij ekar kaiñ.

Kiiō, eļap aō kar kōļmenļokjeņ kōn kom̄ likao ro, ro rej pād ilo juōn iiō ñan m̄are ak kar jab eņjake kiiō ñan kōm̄mane menin. Ij loe elōn jiroñ ro reakwe, ro rekōņaan m̄are im ejaak baamle ko, im kiiō iien kein aer rem̄man ejjab bwe kōnke elōn likao ro rej tōrtōri m̄are ko.

Menin ejjab juōn jekjek ekāāl. Eḷap kar kōnono kake kōn wāween in jen Būreejtōn ro mōktaḷok an Kabuñ eo. Ij kwaḷok ippāmi baj juon ak ruo waanjoñak ko kōn kapilōk ko aer.

Būreejtōn Harold B. Lee ar ba, “Jejjab kōmḡman eddo eo ad āinwōt rikabwijer priesthood ro ñe je etal eḷḷāḷok jen iiō in ḡare eo im likūt kōj make jān juōn utiej in ḡare ñan kōrā rein reakwe .”⁶

Būreejtōn Gordon B. Hinckley ekar ba menin: “Buruwō ej diwōjḷok ñan ... jejtōr ro rejañin ḡare, ro ewōr aer kōḡaan eḷap ñan ḡare im rejjab maroñ loe. ... Ijjab lukkuun meḷeḷe kōn likao ro, ro repād ilo ḡanit ko an jukjukin pād ko ad ewōr anemkwoj ñan kōmḡman ñan bōk ijino eo ilo jekjek ak ilo elōñ wāween likjab in kōmḡmani barāinwōt.”⁷

Ij kile bwe ewōr un ko etke koḡ maroñ jenliklik ñan bōk buñtōn in ḡare. Eḷaññe kwoj ebbeer kōn wāween kake aikuj ikijeem jān ñan juōn eo pāleemḡ im baamḷe, ij kwaḷok ñan koḡ bwe ejjeḷok jook ilo ruo ripālele rej kōjparok im kakkōḡ jān. Menin ekkā an waḷok ilo iien kein rapañ me koḡ naaj eddōkḷok ippān doon āinwōt ami ekkatak ñan kaarmejele im ñan kōmḡman jokālōt ko reppen. Bōlen kwoj mijak in kōmḡman kālōt bōd. Ñan menin ij ba bwe koḡ aikuj in kōjberbal tōmak. Pukōt juōn eo me komaroñ ekkar ñane. Keememej bwe koḡ jamin maroñ kōtmene aolep apañ ko me remaroñ waḷok, ak jeḷā bwe enañin aolep men remaroñ jberbal eḷaññe ewōr jipañ ko ippamḡ im eḷaññe koḡij kalimḡmur ñan kōmḡman bwe ḡare eo amḡ en jberbal.

Bōlen etar jen joñan am baj ḡōḡōḡō āinwōt juōn eo ejjañin ḡare, im bōk jet kakijje ko eḷap wōnāer, wia wa ko im kein ikkure ko im ekkā wōt lañlōñ kōn mour eo ejjeḷok inepata ie ippān ro ḡōttamḡ. Ikar ioon kumi ko ḡōttami rej kōmḡman men ko ippān doon āinwōt juōn kumi, im ij kile etke ij bwilōñ koḡij jab iaio ippān leddik ro remḡman ded.

Emḡmaan ro rejitōn bōro, ewōr juōn un ilo juōn iien ñan lukkuun ḷōmḡak kōn ḡare im ñan pukōt juōn ḡōttā eo koḡ naaj kōḡaan in pād ippān ñan indeeo. Eḷaññe kwōj kālet jimḡwe im eḷaññe kwoj kalimḡmur ñan kōtōpar ḡare eo amḡ, ejjeḷok juōn men ilo mour in eo enaaj bōktok eḷap ḡōḡōḡō ñan koḡ.

Ñe koḡ naaj ḡare, koḡ naaj kōḡaan ḡare ilo ḡweo imḡōn Irooj. Ñan koḡ ro rej kabwijer priesthood eo, ej aikuj ejjeḷok bar juōn kālōt. Koḡin kōjparok, bwe koḡin jab kakkure kōḡaan eo ami ñan eromḡ ḡare. Kom maroñ kōjparok kōtaa eo ami ilowaan wōt joñak ko rekkar ilo tōre in koḡij pād wōt ilo juōn iien emḡman.

Kiiō, emḡmaan ro rejitōn bōro, ij oktakḷok ñan bar juōn menin kōnono eo ij eñjake ñan kōnono ippāmi. Ilo jilu iiō ko jān ke ikar rejtak āinwōt juōn Būreejtōn an Kabuñ eo, ij tōmak eddo eo ekaburomḡōj tata im kainepata tata kar ippa ej wāween jberbali bukweḷok ko an liāp ko. Kajjojo rekar etal imḡaan juōn ḷok juōn ḡare elañ lōñ ilo ḡweo imḡōn Irooj, ijo ruo ripālele rekar jino juōn mour ekāāl ippān doon im erreimḡaanḷok ñan pād ippān doon ñan indeeo ippān doon. Innām allōñ ko im iiō ko rej eḷḷā im, kōn juōn un ak bar juōn, iakwe eo emej. Emaroñ waḷok jorāan in jān jen

jabwe wāween kōnono, jab dāpij illu, bōk koṇaam jān ro nukin eo pāleem, kōn bōk koṇaam ilo wāween ko rekitbuuj eok ilo jerawiwi. Ewōr un ko rellōn. Ilo enaṇin aolep wāween, jepel ejjab aikuj in kar waļok eo.

Aolep kajjitōk ko reļlap kōn bukweļok ko kōn liāp ko rej itok jān kōrā ro rej kajjieoṇ joṇan eo eļap ṇan kōmṇan juōn tōprak an ṇare eo ak wōn, ilo jekjek in etale eo āliktata, ejjab maroṇ ellā jān jorrān ko.

Kālōt juōn ṇōttam ilo tiljek im jar kake; im ṇe emōj amiro mare, ṇool ṇan doon. Kapilōk eo ejjeļok wōnān ej itok jān juōn piya in juōn men ikar loe ilo ṇweo imōn juōn aō uncle im aunt. Ej kwaļok: “Kālōt iakwe eo am; iakwe eo am kālōt.” Eļap mālōtlōt ilo naan kein reiet. Kalimṇur ilo ṇare ej lukkuun aorōk.

Kōrā eo pāleem ej joṇan wōt juōn ippām. Ilo ṇare meṇe ṇōttā ej kajoorļok ak nana ļok ṇan ro jet. Komij aikuj etal rājet in doon āinwōt juōn ļaddik im juōn leddik nejin Anij. Ejjab aikuj kōjoole ak kaamjak ak ej aikuj kautieje im iakwe. Būreejtōn Gordon B. Hickley ar ba, “Jabdewōt emṇaan ilo Kabuṇ in eo ej ... kōjerbal kaje ejjab jimwe ioon [kōrā eo pāleen] ejjab erreō ṇan kabwijer priesthood eo. Meṇe emōj an kar ekkapit, laṇ ko renaaj timijikōk, Jetōb eo an Irooj enaaj buromōj, im enaaj amen ṇan mālīm eo an priesthood eo an emṇaan eo.”⁸

Būreejtōn Howard W. Hunter ekar ba kōn ṇare in: “Erom ṇōṇōṇō im ṇare eo ekarbab ej ļap an ekkā ilo juōn wāween ṇareik armej eo ejimwe barāinwōt ej *erom* armej eo ejimwe. Menin leļok ekilep ṇan juōn ṇare eo ekarbab, kiiō juōn kijejeto eo eruj ṇan kōmṇan likio ijo koṇaan ej joṇan eo eļap leļok ṇan kōtōprake.”⁹

Elōn iiō ko reṇootļok ilo ward eo ijo ikar tōl āinwōt bisop eo, ijo kar jokwe ruo ripālele ro rekar lukkuun ṇool, illu im jab errā. Er ro kajjojo, kar lukkuun jelā kōn jekjek ko aero kajjojo. Barāinwōt buruwōn ṇan doon. ṇe rejjab akwāel, rej kōmṇan ta ij watōke juōn akwāel ejjab pidodo.

Juōn jibboṇ ilo 2 awa jibboṇ. Ekar wōr juōn aō taļboon jān ripālele rein. Rekar kōṇaan kōnono ṇan ṇa, im rekar kōṇaan kōnono iien eo wōt. Ikar jekjak jān beet eo, im ekkōṇak aō nuknuk im etal ṇan ṇweo ṇweer. Rekar jijet jujen doon ilo ruum eo; ilo aer jab kōnono ṇan doon. Kōrā eo ekar kōnono ṇan ļeo pāleen ilo an kōnono ṇan ṇa. Ļeo ej uwaak ṇan e ilo an bar kōnono tok ṇan eō. Ikar ļōmṇak, “Wāween rōt ilo laļ in jej aikuj kōmṇane ṇan kobaik ruo ripālele ippān doon?”

Ikar jar ṇan imwe, im ļōmṇak eo ekar itok ṇan eō ṇan kajjitōk ippāer juōn kajjitōk. Ikar ba, “Ewi toon jen iien eo komro kar pād ilo tampeļ eo im kaṇool juōn liāp an tampeļ?” Erro kar kwaļok bwe ekar juōn iien eo eaitok. Rekar ilo juōn wāween kar armej ro rereō ro rej kabwijer peba in mālīm ko an tampeļ im ro rekar etal ṇan tampeļ im kar kōmṇan jermal in kaiṇi kōn ro jet.

Ikar ba ṇan er, ”Komiro naaj ke itok ippa ṇan tampeļ eo jibboṇ in Wōnje ilo 8:00? Jenaaj kaṇoole

juōn iien liāp ilo jikin en.”

Ilo aerro ippān doon im rekar kajjitōk, ”An wōn kōjeramman in?”

Ikar uwaak,” Ijjab jeļā. Enaaj nān jabdewōt ej iten m̄are jiboñin en.”

Ilo Wōnje eo ilo awa eo kar karōke kōm̄ kar ioon doon ilo Salt Lake Temple. Kōmjāñ jilu kar etal nān juōn iaan ruum̄ in liāp ko, jab jeļā eļaññe ewōr juōn armej ilo ruum̄ eo ijjelōkin wōt Eļtōr ElRay L. Christiansen, innām juōn Rijjipāñ nān Doulul eo an Joñoulruo, juōn Ritōl eo Eutiej ej pād ilo iien eo. Eļtōr Christiansen ekar jikejuuļ nān kōm̄mane juōn kōjeramman in liāp nān juōn kōrā im em̄maan ilo ruum̄ eo jiboñoñ eo. Ikar kōjatdikdik bwe kōrā eo im baam̄le eo an rekar ļōm̄nak, “Rein remaroñ m̄ōttan ļeo ej m̄are,” im bwe baam̄le eo an ļeo ej m̄are rekar ļōm̄nak, “Rein remaroñ m̄ōttan lio ej m̄are.” Ripālele ro aō rekar jijet ioon juōn jea jidikdik ruo ne (0.6m) kōtaaer jen doon.

Eļtōr Christiansen ekar jino leļōk kapilōk nān ripālele ro, ro rej m̄are, im ekar kōm̄mane ilo juōn wāween eo eaiboojoj. Ekar kwaļōk wāween juōn em̄maan ripālele ej aikuj iakwe kōrā eo pāleen, wāween ej aikuj kōm̄man nān kōrā eo pāleen kōn kautiej im m̄wil em̄man, kautiej e ej āinwōt bōro eo buruwōn m̄weo. Innām ekar kōnono nān kōrā eo ej m̄are kōn wāween an aikuj kautiej ļeo pāleen āinwōt bōran m̄weo im̄ōn im jipāñ e ilo aolep wāween.

Ikar kile bwe ilo an Eļtōr Christiansen kar kōnono nān kōrā eo ej m̄are im em̄maan eo, ripālele ro aō raar em̄makūt im jidik kepaak doon. Ejjab etto rekar jijet turin doon. Ta eo ekar kam̄ōñōñōik nā ej bwe rekar jim̄or em̄makūt joñan wōt juōn. Ilo jem̄ļōkin kōm̄are eo, ripālele ro aō rekar jijet epaake nān doon āinwōt nē er rej kab m̄are. Kajjojo iaer rekar ettōñ dikdik.

Kōm̄ kar em̄makūt jān tample eo raan eo im ejjelōk juon ekar jeļā wōn kar kōm̄ ak etke kōm̄ ar etal, ak ro m̄ōtta rekar jibwe pein doon ke rej diwōjļōk jen kōjam eo. Oktak ko aer em̄ōj meļōkļōki. Ijjab aikuj in kar ba juōn naan. Kwoj loe, rej kememej raan in m̄are eo aer make im bujen ko rekar kōm̄mani ilo m̄weo im̄ōn Irooj. Rekar kalim̄mur nān jino bar juōn alen im lukkuun kajjieoñ ilo iien in.

Eļaññe elōñ iami rej ioon apañ ko ilo m̄are eo an, ij rōjañ eok nān kōm̄man joñan eo komaroñ nān kōm̄man jabdewōt kajjim̄we ko rej menin aikuj, bwe komin maroñ m̄ōñōñō āinwōt kar m̄okta ke m̄are eo ami ekar ijino. Jekar m̄are ilo m̄weo im̄ōn Irooj nān kōm̄mane menin nān iien im indeeo, im jej aikuj lemaantak kijejeto eo emenin aikuj nān kōm̄mane barāinwōt. Ij kile bwe ewōr jekjek ko ijo m̄are ko rejjab maroñ kōjparok, ak ij eñjake kajoor eo me nān enañin aolepān m̄ōttan ko remaroñ erom̄ im raikuj erom̄. Jab kōtļōk bwe m̄are eo am en tōpar jekjek eo ijo ej pād ilo kakkure.

Būreejtōn Hinckley ekar katakin bwe ej ad pepe ro rej kabwijer priesthood eo an Anij n̄an kauwe kōj make bwe jen jutak ilōn̄in kōjkan ko an laḷin. Eaorōk bwe jen erom̄ armej ro rekautiej im rem̄man. M̄akūtkūt ko ad rej aikuj pād ilōn̄in m̄wil nana.

Naan ko jej kōnono, ej wāween eo jej kōm̄mane n̄an ro jet im wāween eo jej mour kōn mour ko ad aolep jelōt ko rekajoor ad wājepdik āinwōt em̄maan ro im ḷaddik ro rej kabwijer priesthood eo.

Menin letok eo an priesthood ejjeḷok wōnāān. Ej wōn̄maanḷok kake mālim eo n̄an m̄akūtkūt āinwōt rikarejar ro an Anij, n̄an kōjeram̄man rinañinmej, n̄an kōjeram̄man baam̄le ko ad im n̄an kōjeram̄man ro jet barāinwōt. Ej mālim eo emaroñ eḷḷāḷok jen turajet in rōñōl eo an mej, n̄an ilowaan mour indeeo. “Ejjeḷok bar juōn men n̄an keidi ippān menin ilo aolepān laḷ in. Tōlarōke e, kaorōk e, mour wānōk kake.”¹⁰

Em̄maan ro rejitōn bōro, kōm̄man bwe wāppen en maroñ tōl aolep buñtōn ko ad ilo ad etal ilo iaḷ in an mour in. Rainin im aolep ien kōj ro rej bōk juōn men ren maroñ erreo kōn kajoor eo ekwojarjar an priesthood eo jej kabwijere. En kōjeram̄man mour ko ad, im jen maroñ kōjerbal n̄an kōjeram̄man mour ko an ro jet, āinwōt E ekar kōm̄mane eo ekar mour im mej kōn kōj—aaet Jisōs Kraist, ad Irooj im Rilom̄qor. Eñin ej jar eo aō ilo Etan ekwojarjar, Etan ekwojarjar, amen.

Kakememej ko

1. Doctrine and Covenants 121:36–37.

2. Exodus 20:7.

3. Aiseia 1:18.

4. Doctrine and Covenants 58:42.

5. Lale Jon 17:14; Doctrine and Covenants 49:5.

6. “President Harold B. Lee’s General Priesthood Address,” *Ensign*, Jan. 1974, 100.

7. Gordon B. Hinckley, “What God Hath Joined Together,” *Ensign*, Māe 1991, 71.

8. Gordon B. Hinckley, “Personal Worthiness to Exercise the Priesthood,” *Liahona*, Juḷae 2002, 60.

9. *The Teachings of Howard W. Hunter*, ed. Clyde J. Williams (1997), 130.

10. Gordon B. Hinckley, *Liahona*, July 2002, 58–61.